



## LA ANNUNZIA

Per s'annunziar cun success èsi impurtant da planisar bain l'annunzia e crear in dossier d'annunzia bain cumponì. Quai augmenta las schanzas per in invit ad in discurs da preschentaziun.

### Il proceder

Legiai atras bain l'inserat da la piazza ed examinai, sche Vus ademplis las pretensiuns da la piazza. Cumparegliai Vossas qualificaziuns, experientschas e fermezzas cun las pretensiuns che vegnan numnadas en l'inserat ed As referi en Vossa brev d'annunzia a quellas.

Nudai en tge gasetta u revista, respectivamain sin tge pagina-web ed a tge data che l'inserat è cumpari per che Vus possias scriver quai en Vossa brev d'annunzia. En tge furma vegn l'annunzia preferida (per posta, e-mail u via plattafurma)? Èsi da sa tegnair vi d'in termin d'inoltraziun?

### Il dossier d'annunzia

- L'annunzia: sche pussaivel ina pagina A4
- Curs da vita: per regla ina u duas paginas A4
- Fotografia professiunala en il curs da vita u sin la pagina da frontispizi
- Diploms/attestats/certificats da scolaziuns e furmaziuns supplementaras professiunalas ch'èn relevantas per la piazza.
- Attestats da lavur
- Referenzas: nudar quellas sche gia infurmadas, avair quellas fin il pli tard a chaschun dal discurs da preschentaziun
- Ina pagina da frontispizi individuala po far in'impressiun pli survesaivla e da pli auta valor. La fotografia, il num e l'adressa pon gia vegnir inditgads là.
- Tut ils documents duessan vegnir controllads ina ulteriura giada sin sbugls ortografics e da punctuaziun avant da trametter l'annunzia. Laschai sche pussaivel controllar ils documents dad ina terza persuna.

### La Cumposiziun

- Sajas attenta/attent ch'ils documents èn structurads e concepids a moda plaschaivla.
- Sort e grondezza da scrittira: ina scrittira bain legibla sco Calibri, Tahoma u Arial. La scrittira duess esser tranter 10 ed 11 puncts. Impurtant èsi ultra da quai ch'i vegnia duvrà dapertut la medema scrittira.

## Sort da spediziun

En l'inserat da piazza è la furma giavischada da l'annunzia per reglà nudada, p.ex. giavischà per posta u per mail. Quai duai exnum vegnir resguardà.

### Glista da check per la spediziun per e-mail

- Da: eleger adressa da mail neutrala, p.ex. prenum e num (nagins nums da fantasia)
- A: trametter ad in'adressa da mail correcta e persunalisada (nagina info@)
- Object: eleger titel signifitgant, p.ex. annunzia da Flurin Camenisch sco commerziant tecnic EP (impurtant cunzunt tar pli grondas firmas)
- Cuntegn: stimada dunna / stimà signur  
En aggiunta chattais Vus mia annunzia per la piazza publitgada sco "...".  
Jau ma legrel sin in discurs da preschentaziun persunal  
Salids amicabels  
Prenum e num
- Naginas formataziuns en l'e-mail. Quellas na pon eventualmain betg vegnidas preschentadas dals programs dad e-mail dal retschavider.
- Annexa:
  - Tut las annexas inditgadas èn avant maun ed ordinadas, p.ex. feagl da frontispizi, brev d'annunzia, attestats da lavur, diploms euv.
  - Max. 3 annexas (gruppar las annexas logicamain)
  - Ils titels da las datotecas èn signifitgants, p.ex. cursdalavita\_PrenumNum.
  - Grondezza da la datoteca: sin il pli 2-3 MB per annexa
  - Na betg trametter en furma da zipp
- Trametter in mail da prova a l'atgna adressa
- Na betg dumandar ina conferma da retschavida
- Tuttina avair a maun in dossier a scrit (per trametter pli tard u per il discurs da preschentaziun)
- Controllar repetidamain l'ordinatur da spam, schebain ina resposta è arrivada là.

### Glista da check per la spediziun per posta

- Documents stampads sin palpieri alv da buna qualidad
- Tut las annexas èn avant maun en il dossier
- Betg trametter originals, far copias da buna qualidad
- Ils documents èn ordinads: p.ex. pagina da frontispizi, curs da vita, attestats, diploms, attestats da lavur ed ulteriuras annexas.
- Metter ils documents d'annunzia en la mappa d'annunzia.
- Cuverta: grondezza C4, per ch'ils documents na stoppian betg vegnir faudads.
- Cuverta: adressa dal retschavider cumplaina, sco era l'adressa dal speditur (inditgar l'atgna adressa)

### Glista da check per l'annunzia via plattasfurmas online

- Laschar avunda temp d'emplenir ils formulars ed als telechargiar/trametter pir lura.
- Annexas: ils titels da las datotecas dals PDFs èn signifitgants, p.ex. cursdalavita\_Prenum/Num.
- Far in printscreen ed al arcunar avant da trametter l'annunzia.

## Annunzia spontana

Tut tenor branscha augmentais Vus Vossas schanzas cun in'annunzia spontana. Latiers duessas Vus far attenziun a singuls puncts: As drizzai adina ad ina persuna da contact. As infurmai perquai a tgi che Vus duais trametter Vossa annunzia. Contactai l'emprim la persuna responsabla per telefon. Vossa annunzia spontana na duess betg esser memia lunga. Inditgai che Vus tramettias gugent ulteriurs documents. Impurtant èsi che Vus motivais en Vossa annunzia pertge che Vus As annunziats spontanamain tar quest manaschi. Rimnai tantas infurmaziuns sco pussaivel da la firma.

### Ulteriuras infurmaziuns

- [www.berufsberatung.ch/bewerbung](http://www.berufsberatung.ch/bewerbung)
- [www.be-werbung.ch](http://www.be-werbung.ch)
- [www.arbeit.swiss](http://www.arbeit.swiss)
- Fegls d'infurmaziun CIP: La brev d'annunzia, Il curs da la vita, Il discours da preschentaziun

Funtauna: Laufbahnzentrum Stadt Zürich, arbeit.swiss, berufsberatung.ch  
Quest fegl d'infurmaziun na pretenda betg d'esser cumplets.

© CPSC Grischun, mars 2023/yk

### CIP Grischun

Vus As vulais far ina midada professiunala? Vus As vulais perfecziunar, ma na savais betg propi en tge direcziun? Las cussegliastras ed ils cussegliastrs As sustegnan a concepir Vossa carriera.

- [www.berufsbildung.gr.ch](http://www.berufsbildung.gr.ch)
- [biz@afb.gr.ch](mailto:biz@afb.gr.ch)